

濟瀆驛

一在縣城西門內元至元

安興修稱

濟瀆行宮趙昶撰願碑存文見後金石志明萬

二十二年重修

國朝乾隆四十三年重修錢福照作記

一在縣東十五里南庄村不知何時建明萬厯二

九年重修

一在縣東二十里沅河鎮旁有龍池云與海通遇挑池每有應舊志云元至正十六年建稱為清王廟郭伯顏撰廟碑存文見後金石志明萬曆二年重修蕭守身作記萬曆五年重修行嘉言作一國朝修三十六年重修謝皇遷作記

按縣之有濟瀆廟因沅河在境上而作至此廟沅河之傍則尤其非無因而建者

一在縣西十六里西虢村不知何時建明萬曆戊午年重修

一在縣北十五里北虢村不知何時建明萬曆丁未年重修天啟二年重修

一在縣北十八里穀旦鎮不知何時建明嘉靖四

三年重修

城隍神廟在縣治西南明洪武三年同知韓進建至宏治九年主簿張恕重修正德八年義民官耿墳增修
國朝順治二年復修康熙四十六年知縣張之紀重修
邑人湯袁作記乾隆三十五年重修邑人宋宜誠作記
龍神廟

一在縣城南門城圍內 關帝廟北偏舊志作金龍

大王廟云在下孟縣明崇禎間圯于河巡撫元默
屬知縣余宗重修後并圯今移祀城圍內即此廟
一在城西三十五里野戍鎮元至正建明正德間修

一在城西四十五里白坡鎮河岸上不知何時建下
臨峻湍不過數步聲如怒雷而廟貌亦極宏壯

按省志懷慶府龍神廟下載云雍正五年奉

旨京師塑像各省體祀而在孟卽河神故祀事尤重焉
三皇廟在野戍鎮志云唐時建相傳卽晉河陽令潘
安仁官署故址云

商湯王廟

一在縣城內南門外呼爲南水廟不知何時建
明正德五年重修萬曆二十四年重修

一在縣城北門外建東道北縣人呼爲北水廟金
定年間建明正統三年重修萬曆二十九年重修

國朝康熙四十七年重修乾隆二十四年重修

一在縣東北五里上段渠村不知何時建

國朝康熙四年重修

一在縣東十里馬付庄元通祐四年建明宏治十年

重修萬曆二十一年重修

國朝康熙四十六年重修

一在縣東十八里官庄村不知何時建明隆慶十六

年重修

一在縣西四十里北陳村元至元七年建稱為有殷

烈祖廟元郝采麟撰廟碑存文見後金石志大德

八年重修明正德元年重修

一在縣西三十三里衡澗村明萬曆二十年建

一在縣西北五十里冶牆村元至正年間建明嘉靖
三十七年重修萬曆三十九年重修

一在縣西北十八里高端崗之巔元至大元年建稱
爲有商烈祖聖帝廟杜天智撰廟碑存文見後金
石志今土人稱爲西湯王廟

一在縣北二十里禹寺鎮後崗之巔不知何時建明
成化八年郭文義等重修萬曆二十三年重修今
土人稱爲北湯王廟

漢光武帝廟在縣西南八里堤北頭村元至正三年
鄉人李信建後沒于河改建于本村東北隅

關帝廟

一在縣城南街西

國朝乾隆四十二年邑令王畏城重修

并見
祀典

一在縣南門城闕內不知何時建

國朝乾隆三年王允恭繪重修

一在縣城東北

國朝乾隆四十七年山西商人公建邑人樹以蔽作
記

晉河陽令潘安仁祠舊志云在野戍鎮明成化中知縣
孫芳移于今縣治南門外正德中知縣劉澄改建于
城南門內大街西何璫撰記今按城南門內大街西

卽在唐韓文公廟內存側堂爲

國朝康熙間邑令張之紀修韓文公祠時并改建者乾隆己丑邑令牛聯奎修葺

明何楚重修潘侯安仁祠記

潘侯祠祀晉河陽令潘侯安仁也河陽今爲孟縣祠舊在縣城南門外縣令劉侯改建於門內大街之西從民欲也旣成儒學教諭徐先生及同寅諸生議紀成績於石以示久遠迺來徵言予惟記者記其事耳奚憚多言無乃有所感諷於其間故不憚煩耶古今令河陽者多矣安仁何以獨祠考之傳記殊無赫赫可紀之績第稱其好植桃李春花盛開與百姓嬉遊

以爲樂如是而已竊謂民愚而神不可以欺苟有
以及之則雖不布一教條而自無不懷不犯一刑法
而自無不畏苟無以及之雖朝聚而告之曰吾將生
爾之生暮召而號之曰吾將成爾之德鞭朴日嚴斬
刈日酷曰吾將以鋤惡而佐善終不懷且畏也安仁
政事今無所考意其必悃悃無華與百姓相安於無
事者不厭何河陽之民感而祠之至今且千有餘歲
而卒莫之廢耶夫人所褒大崇尙者必其志向之所
在也劉侯新潘侯之祠其亦有意乎哉先生肅狀作
而曰此予所欲言而未敢先也河陽雖今爲縣實古
州治南通雲貴西接川陝政務供億甚繁令有甚不

易爲者劉侯自下車以來課農桑完租賦興學校
無寡實倉廩清囹圄以至修城浚隄架橋平道皆不
動聲色卓有成績其才有大過人者上下旣已稱能
侯之心不自足也恒以方今民窮財盡而上命嚴急
雖欲與百姓相安於無事如潘安仁有不可得者故
新潘侯祠以見志非偶然也予惟時不同政不必同
惟其仁而已矣飢者易爲食渴者易爲飲易曰鳴鶴
在陰其子和之言誠之相感也侯誠有愛利及民安
知孟縣之民他日祠侯不如今日之祠潘侯乎潘侯
名岳字安仁其官閥履歷晉史有傳劉侯名澄字靜
夫陝之邠州人以禮經中鄉試高等初授河南開封

府封邱縣令後改懷慶府孟縣云

又按蒲侯安仁祠舊志稱前在野戍鎮今野戍鎮三
皇廟前相傳卽安仁令河陽時官舍故址其地在鎮
內市廛最中之地基勢獨高若層臺然臺端有古柏
高三丈許圍七尺餘輪囷夭矯柯葉芬榮相傳卽安
仁手植者三皇廟之前今爲藥王廟廟內神像後有
石刻云晉河陽令潘岳又側一行云孟州河陽郡營
花寨冶戍村云云錄之以存舊蹟兼俟後來者表章
云尔蓋此或唐宋間鄉民所刻詳見金石志內跋語

唐韓文公祠在縣城南門內舊在縣西十二里韓莊前
明成化中知縣嚴明建宏治中知縣巫儼奏請春秋

秩祀正德丁丑知縣劉澄改建于縣城南門內郡人何宗伯璫撰記

國朝康熙戊寅知縣張之紀重修自撰碑記并有邑人薛京撰記乾隆己丑知縣牛聯奎重修邑人宋宜誠撰記

明何璫撰改建韓文公祠記

聖人之道其大矣哉包羅天地揆叙萬有蓋非其他一才一藝之可比也故君子之學患不聞道情得聞道則雖勢在匹夫世猶當景仰而崇奉之而況其顯者乎孔孟旣沒道學不明異端之說充天下之民曰虛無道也釋氏曰寂滅道也天下之士迷於其說質

質焉莫知適從者蓋非一朝一夕之故矣至唐吏部侍郎韓文公始明辯而震揚之曰博愛仁也行而宜之義也由仁義而之焉則爲聖人之道老與佛之道非道也由是天下之士始曉然知吾道之正異端之邪其見道之明固已度越諸子矣而又慨然以道自任雖蒙譏罵訕笑不懼不沮佛骨一表犯天子盛怒竊逐南海瀕於死亡而不悔其信道之篤豈世儒之所易及哉逮其晚年道成名立天下學者仰之如泰山北斗有宋元豐中遂以公從祀孔子廟庭公之得預乎聖道之傳天下之士固已無不知矣况其桑梓之地遺風餘澤漸被尤深士之生於斯游於斯者又當

何如而景仰之邪公本河陽人河陽於國朝爲孟縣縣之西有韓莊傳以爲公族所居莊有塚傳以爲公墓公集亦有過河陽省墳墓及我家本漣縣有地界高輦之物則公爲孟人無疑唐史乃謂公鄧州南陽人蓋傳誤耳宏治年間大冢宰耿公始表公爲孟人奏請於朝建祠致祭其所以風勵後學之意深矣顧棟宇卑狹未稱且僻在深巷過性士夫猶有未及知者正德丁丑縣尹劉侯慨狀有感於斯乃改建於縣治南門內孔廟之右高明爽塏既足以竭虔妥靈又於祠前豎坊題曰鄉賢韓文公祠蓋以見公有得乎聖人之道而爲此邦之人也往來士夫咸得謁祠致

敬而耿公表章之意始大梟自祠成欲紀其改建始末於石廼請命於太守韓公公以鴈塘竊惟主君子垂世不朽者不止一途而莫大於得聞聖人之道孔孟以來世儒得與斯道之傳者僅可屢數而吾黨得二人焉公及河內許公是也朕上下千數百年而僅得二人可謂難也已矣有志之士謁公之祠夫豈能無所感耶冢宰公名潞河南廬氏人太守公名士奇山西洪洞人縣尹侯名澄陝西邠州人皆有繼於聖人之道者故所崇尚如此謹附於祠記之末俾後之人有攷焉

河陽爲韓文公故里予下肆拜謁公祠輒見堂宇湫隘垣檻頽落慨然於崇脩有未脩非所以翼聖道尊前哲興起後賢也及考邑志知公祠肇始宏治間蒙宰耿公裕表請於朝得建專祠於本邑至正德丁丑關西劉侯澄改築邑治南門內樹坊題額郡紳何公瑋爲文紀其事蓋歷今百有八十年矣未有舉而載新之者余以爲天下郡邑皆有賢賢宜有祠卽公所謂鄉先生歿而配於其社者其功德文章忠孝貞義焯然著稱於世則立祠祀之俾罔替而此邦之大賢如文公又非僅一鄉一國所尊崇顧任其宇頽垣圯閭然無所改作其安之乎且公墓在邑西三十里向

惟有神道碑士大夫往來過掇多搨其文以去居民
以爲擾乘亂焚碑近罕有拜墓者獨此祠可瞻公像
而不爲竭虔妥靈使遠近後學輩登堂而致敬亦安
見地以人重而河陽藉以生色耶於是謀於紳士買
祠後地斥廣之各捐金庀材鳩工增新疏闊輪奐頓
改觀祠成諸士以爲宜紀其始末竊伏自念謏陋如
余蒙

聖恩承乏茲土受事以來他務未遑而獨於此惓惓者誠
以公繫斯道之大爲萬古學者儀型予少時讀公集
追慕無已今幸得拜公祠下以時薦豆邇習禮樂及
茲不稍爲修舉恐抱疚無時釋也抑所以望此邦者